

2.

ALPHUNSI DE AVENTIS

FERRARIENSIS

SACRI CONSISTORII ADVOCATI

DISSERTATIO

DE PROPORTIONE MONETARUM



ROMAE

APUD ANTONIUM FULGONIUM

*SUPERIORUM ADPROBATIONE*

---

CICIDCCLXXXV.



III  
SANCTISSIMO DOMINO NOSTRO  
P I O S E X T O  
PONT. OPT. MAX.

ALPHUNSUS DE AVENTIS.



*N* præclarum Sacri Consistorii  
Advocatorum Collegium Tua  
solum munificentia, PIE PONTIFEX MAXIME, coopta-  
tus, atque de Nummorum æstimatione disceptaturus

A 2

cx

ex leg. pro imminutione 2. Cod. de veteris Numismatis potestate, *Dissertationem hanc meam cuiusnam magis inscribere, potuisssem quam TIBI, cui cum Suprema Imperii potestate est etiam Nummorum Auctoritas? TIBI, qui publici commodi causa inter alias curas, quæ gravissimæ sunt, animum in præsens detines collationi Monetarum? TIBI, qui toto animo, studioque semper in eam rationem incumbis, ut, eos, qui Tuo Imperio, & potestati commissi sunt, quam beatissimos efficias? Tu hinc Ediçta non Subditos affliçiant, (ut de Regum iussis propriam tantum utilitatem semper respicientibus dixit quidam nimis audax Philosophus) sed solatium eis potius præbent, & levamentum. Nunquam enim Tuæ, sed publicæ semper inserviunt utilitati, ad quam diu, noctuque omnes cogitationes convertis Tuas. His tamen & gravioribus detentus, in me etiam, qui sum omnium minimus, magna, qua polles, humanitate respicere non es dedignatus. Noscant ex eo omnes, Te & clementissimum omnium esse PATREM, & cuique jus esse ad amorem TUUM; ad liberalitatem, ad munificentiam TUAM. Magnum quidem beneficium in Civitatem Ferrariensem contulit immortalis ob conspicua in Christianam Rempublicam monumenta.*

Urba-

*Urbanus VIII., quum Anno 1625. indulfit, ut in-  
prælaudatum Collegium alter ex illius Civibus per-  
petuo adlegeretur. At quod Tu, BEATISSIME PA-  
TER, duabus continuis vicibus nuper contulisti,  
cum Patriæ meæ, quæ me nominare potuit, fuit  
maximum, tum mihi, quem in illud cooptasti,  
fuit quidem singulare. Quamobrem si, TE AU-  
CTORE, Dissertationem hanc ex instituto Majo-  
rum edere debeo, sinas, ut eam veluti gratissimæ  
voluntatis, & venerationis meæ indicem ac Testem  
AUGUSTO NOMINI Tuo inscribam, ex illo ut præsidium  
quærat, & ornamentum. Sed non dedigneris etiam  
reliquum mihi facere, ut in posterum re, & opere  
valeam demonstrare quod in præsentiarum ore, &  
corde tantummodo obsequium hoc meum profiteri  
mihi datum est.*







## DE PROPORTIONE MONETARUM DISSERTATIO



Erum., quas omnibus hominibus natura fecerat communes, ex Jure Gentium introducto dominio, ita primum quisque necessaria, & utiliora, quae ei deerant, sibi acquirere debuit, ut permutatione peteret illa ab altero, qui vel eis abundaret, vel indigeret aliis. Deinde siue quod non omnis fert omnia tellus, siue quod invalescere coepit appetitio rerum exterarum, ita ut non semper, nec facile quisque invicem haberet, acciperet, quod volebat, emptio, & venditio orta est. Tandem ut difficultatibus cum permutationum, tum emptionis venditionis occurreretur aequalitate quantitatis, noverunt Populi necessitatem tribuendi, veluti per conventionem, certae rei pretium eminens, cujus opera proprium aliarum rerum omnium pretium, & valor intrinsecus metiretur.

Hinc itaque monetarum origo. Earum tamen non una olim apud Nationes omnes fuit natura. Sacculis usi sunt Carthaginenses Sabuli plenis, ex cujus granorum numero desumebant quarundam monetarum, (quae imaginariae dici possunt) quantitatem (a).

Aethio-

(a) Eschsch. Dial. i.

Aethiopes partim lapidibus signo impressis (a) partim falis frustulis (b). Americi versus Aquilonem parvis Conchiliis (c). Granulis albis, & nigris Habitatores Floridae (d). Athenienses Bubalis; Ovibus Romani (e). At aucto commercio, & necessitas innouit repraesentandi hoc pretium eminens per materiam non nimis raram, nec vulgo obuiam, sed quae usum, & pretium haberet, quaeque facile in plures partes esset divisibilis, non iusto fragilior, quae custodiri denique, & transferri commodè posset; Quae cum nisi in metallis pretiosioribus cadat, videlicet auro, argento, aere; ideo metalla huiusmodi usui adhiberi commodissime visum est, ac hisce nummos variae quantitatis, & ponderis cudi publica auctoritate, ut usum, & dominium non tam ex substantia praebere, quam ex quantitate, ut Paulus (f) ait = *Origo emendi, vendendique à permutationibus caepit. Olim enim non ita erat nummus, neque aliud merx, aliud pretium vocabatur, sed unusquisque secundum necessitatem temporum, ac rerum utilibus inutilia permutabat, quando plerumque evenit, ut quod alteri superesset, alteri desit. Sed quia non semper, nec facile concurrebat, ut cum tu haberet, quod ego desiderarem, invicem ego haberem, quod tu accipere velles, electa materia est, cujus publica, ac perpetua aestimatio difficultatibus permutationum aequalitate quantitatis subveniret, eaque materia forma publica percussa usum, dominiumque non tam ex substantia praebet, quam ex quantitate, nec ultra merx utrumque est, sed alterum pretium vocatur.* = Uti etiam tradunt Aristoteles (g), & Heinecius (h).

Quamvis initio variae metallorum massae tradebantur, recipiebantur ad rationem sui ponderis (i), unde varia monetarum nomina, veluti apud Hebraeos *Siclus*, apud Graecos *Talentum*, & *Mina*, apud Romanos *As*; utilius tamen deinde visum est, certas habere Monetarum species, & varias ex praedictis metallis quantum ad pondus, & aestimationem. Antiquissima fuit apud alias Gentes origo Numismatum, antiquissimus usus (k); apud Ro-

(a) Eschin. Dial. 2.

(b) Franc. Alvares. cap. 46.

(c) Marc. Pol. Venet. Itin. lib. 11. cap. 39.

(d) Erodor. de Aethiop. lib. 3. cap. 23.

(e) §. 10. Instit. de empt. & vendit.

Casaub. ad Cicer. Att. 1. 1.

(f) Leg. 1. ff. de contrahen. empt.

(g) Lib. 1. Polit. cap. 6.

(h) De jur. Nat. & Gent. lib. 1. cap. 13. §. 1.

(i) Plin. Hist. Nat. lib. 33. cap. 3.

(k) Arist. in Polit. Strabon. lib. 6. Plutarch. in Lyfandro, Virgil. Polidor. de invent. rer. lib. 2. cap. 20., Georg. Agricol. de pret. metal. & monet. lib. 1. Lud. Caelio Lest. antiq. lib. 6. cap. 2.



Romanos vero invaluit solum tempore Servii Tulli Regis eorum Sexti, qui aereos nummos primus percussit (a). Deinde argentea pecunia signata est quinque annos ante primum Bellum Punicum, Q. Fabio Conf., hoc est ab Urbe condita anno 484. juxta Chronologiam Henrici Glareani, & Haluandri, non vero anno 585., ut per errorem scribit Plinius, cum constet primum Bellum Punicum initium habuisse anno ab Urbe condita 489. (b). argenteo successit demum aureus nummus post annos sexaginta, duos ex eodem Plinio, nempe anno ab Urbe condita 546., & ante Christi Natale anno 212. (c).

Mittimus nomina eorumdem nummorum, quae multa fuerunt; praecipua vero *As* in aere; *Denarius* in argento; in auro *Solidus*. Mittimus etiam eorum valorem, qui *Aassis* fuit quatuor ex nostris quadrantibus vulgo *quattrini* (d). Denarii decem assibus, live quadraginta quadrantibus (e). Solidi olim viginquique denariis argenteis, deinde tempore Iustiniani, & aliorum Caesarum à Constantino denariis argenteis fere decem, & septem (f). Mittimus denique Monetarum valorem relate ad commercium Plures ea de re mirifice pertractarunt tam antiqui, quam moderni Scriptores. Quantum namque ad nos attinet, quaerimus dumtaxat de monetarum aestimatione, deque proportionem cum legali inter aurum, argentum, & aes in iis servanda ex Suprema Principis cujusque Loci auctoritate, tum *plateali*, quae oritur partim ex necessitate commercii, partim ex majore, vel metallorum viliori valore, & aestimatione.

Laude, & plausu digni quidem sunt Auctores, eorumque scripta, quae respiciunt commercii, ac status activi cum passivo cujusque Civitatis aequalitatem; methodum augendi Agriculturam; regulas denique ampliandi artes caeteras. Optima inde eorum Sententia instituendis in Scholis Cathedram, in Foro Consilium, quod praesit commercio. Utilis propositio servandi in unaquaque Ditione accuratum in utroque vestigali introductionis, & extractionis aequilibrium. Necessaria Datii particularis impositio super terrenis, & capitalibus, & quidem gra-

B  
vior

(a) Plin. Hist. nat. lib. 33. cap. 3.

(b) Polyb. lib. 1., Solin. lib. 1. cap. 2.  
Aul. Gell. lib. 17. cap. 21.

(c) Plin. Ep. lib. 15., Budaeus de Ase, Leonard. Port. de Sestert. pecun. ponder., & mensur. antiq., Sebast. Erizo disc. sopra

le Medaglie degli antichi Romani.

(d) Covar. de veter. numism. collat. cap. 1. num. 3.

(e) Plin. lib. 33. cap. 9. Tit. Liv. lib. 44.

(f) Leg. 1. Cod. de argent. pret. lib. 10., Covarr. loc. citat. cap. 3. num. 5.

vior quoad alienigenas, quae respondeat Principatus debito interno, & externo, ut hoc ex illa paulatim dimittatur. Consultissimum consilium protrahendi commercium, ad comparandum aurum, ad Indias Orientales, signanter ad Sinam, & Iaponiam; (ubi auri, cujus magna copia, libram unam permutant Habitatores cum libris decem argenti); pro comparando argento ad Americam; Aes vero ad Sveciam.

Haec profecto, si exequerentur, plurimum Principatui afferrent utilitatis, non tamen statim, quum effectus cursum desiderent plurium annorum. At urgenti malo non promptum praebetur remedium, si de inaequalitate res esset metallorum, quibus cuduntur Monetae ob diversam aestimationem inter earum intrinsecum, & extrinsecum valorem. Etenim cum Monetarum cursus, quem vocant *platealem*, excedit cursum *legalem*, opus est remediis ejusmodi, quae subitam afferant aequalitatem inter valorem monetarum, & proportionem auri, ac argenti, quae invaluit inter unum Dominium, & Plateas alterius.

His praelibatis, facile patet, quid Imperator ~~Valentinianus~~ **Secundus** voluerit in *Lege pro imminutione 2. Cod. de veter. numism. potest.*, quam explicandam suscipimus, sub nomine *imminutionis*, & *aestimationis solidi*. Non aliud quidem, nisi quod curarunt Romani Imperatores caeteri, ne Respublica sufficienti unquam caret pecuniarum copia. Non id assequi potest, nisi extrinseca, & imposititia aestimatio Monetae intrinseco, & forensi Metallorum pretio respondeat; nisi aequalis sit proportio inter aureos Nummos, & Argenteos; istos & Aeneos; nisi denique flagitia plectantur eorum, qui vel Nummos conflant, & in Massam redigunt, vel in exteras Regiones tanquam Merces Negotiationis causa transferunt.

Sit initium *ab aestimatione* Metallorum. Pretium non idem quibuscumque temporibus, sed modò vilius, modo pretiosius fuit secundum rerum vicissitudines, ac amplificationem Commerci, & Luxus. In id tamen Principes, apud quos est auctoritas Monetarum, semper intenderunt, ut ea jugiter Monetis tribueretur aestimatio, & valor, qui Auri, Argenti, Aëris intrinseco pretio responderet. Et jure quidem. Secus subverterentur Negotiationes, & commercium, si Monetae cuderentur in materia adeo deturpata ex mixtura vilioris Metalli, ut non responderet intrinseco valori illius Metalli, ex quo cusae sint similes Monetae alterius

rius Ditionis, cum qua exercemus Mercaturam. Nostras enim vel recusarent Nationes exterae, vel reciperent viliori pretio. Recipiunt enim non juxta valorem numerarium, sed secundum intrinsecum earum valorem, hoc est Metalli, ex quo cufae sunt. Nos vel non negotiari cum illis possemus, vel monetam, quam cariori acquisivimus, vendere cogeremur viliori pretio.

Eam ob rem nec adeo monetas cudi fas est, ut ex viliori metallo confectis valor tribuatur ultra valorem materiae. Non hic quaerimus, an tuta conscientia possint Principes pro sua libidine pretium constituere monetis supra intrinsecam Metalli aestimationem. Notissima quidem est hac in re Juris Canonici dispositio (a), ex qua patet, Principes teneri cudere monetam, & ex lege publicam facere, ut valor juxta pondus materiae constituatur. Illud quaerimus; an intersit Reipublicae monetas cudere adeo vilioris materiae, quae non respondeant intrinseco illius valori. Et recte dicimus, quascumque monetas sive aureas, sive praesertim argenteas, quae tantam admixtam habeant aeris quantitatem, ut excedant mixtae materiae intrinsecum valorem, esse omnino abrogandas.

Nam quidquid sit de apparenti utilitate ex istarum constructione, Principatus tamen ~~damnum est~~ inevitabile. Ubi namque est lucrum, facile concurrit Hominum aviditas, & malitia, ut & ipsi lucrum faciant. Hinc earumdem monetarum adulteratio non a Subditis tantum, verum ab exteris etiam, praesertim finitimis. Introductis autem in Principatum, cujus secumferunt auctoritatem, monetis ejusmodi, debitum constituunt Principis, cujus fidem sequuntur Receptores. Id ne eveniat, interest Principi suo in Principatu hujus generis monetae ne cudantur, quae vero cufae sunt, ut abrogentur. Una aequalitas aestimationis relate ad intrinsecum valorem materiae ea est, quae impedit monetarum adulterationem, ac repellit Principatus damnum.

Placuit Licurgo ad pellendum a Sparta Luxum, avaritiam, aliaque vitia, prohibere cursum monetarum auri, & argenti, cusa ad opportunitatem moneta ferrea librarum fere quingentarum (b). At non idcirco ejus sequi debemus exemplum, uti non illud sequutus est Lyfander, qui monetas in pristinum restituit auri, & argenti (c). Princeps respicere debet ad Subditorum uti-

B 2

lita-

(a) Cap. quanto de jurejur.

(b) Plutarc. in vit. Licurg.

(c) Idem Plutarc. in vit. Lyfand. in princ.

litate, & commodum, quod in hoc non haberi, nisi ex juxta metallorum aestimatione potest. Idcirco Imperatores Romani novas monetas cudebant antiquis similes pondere, & valore, ex quo admirationem in se concitarunt aliorum (a); idcirco Paulus in *Leg. 1. ff. de contrahen. empt.* monetae pretium ita describit = Ele., cta materia est, cujus publica, & perpetua aestimatio difficul., tatibus permutationum aequalitate quantitatis subveniret =.

Moneta repraesentatur etiam per chartas; non per illas tamen damnum commercio infertur, sed illud potius fit amplius, & facilius. Chartae enim hujusmodi (quarum Auctor primus fuit Fridericus II., cum in Castris esset anno 1243. in Romandiola, eique defecisset pecunia) ex publica auctoritate, & fide eandem habent aestimationem, ac moneta ex metallo percussa. Hujusmodi sunt Romae *Cedole*, Parisiis *Biglietti di azione*, Neapoli *le Fedi di Credito*, in Anglia *Biglietti dello Scacchiero*, & his similia. Quamvis quidem praedictae chartae monetam repraesentantes per se, & immediate non augeant Principatus, & Populi divitias, ex earum tamen effectibus augetur commercium, & industria, unde ipsae proficiuntur divitiae.

Id optime explicat Almicus (b) inquiens =. *Egli è ben vero, come nota il tante volte citato Montesquieu nel suo Spirito delle Leggi lib. 22. cap. 2. dietro al famoso Melon nel suo bel trattato della Polizia del commercio, che siccome il denaro è segno del valore della mercanzia, così le Cedole, o sia Carte firmate, sono segni del valore del denaro, e qualora queste Cedole sono in forma, lo rappresentano in maniera, che quanto all'effetto non vi ha differenza di sorte. Nell'istessa guisa che il denaro è segno di una cosa, e la rappresenta, ciascuna cosa è un segno del denaro, e lo rappresenta. E lo stato è nella prosperità, secondo che da una parte il denaro rappresenta bene ogni cosa, e che dall'altra ogni cosa rappresenta bene il denaro, e che gli uni degli altri sono segni, cioè a dire, che nel valor relativo si possa avere l'uno subito che si ha l'altro =.*

Ut autem de veris monetis dicamus, is erit earum aestimationis effectus, ut, adaucto in Hominum aestimatione auri, & argenti pretio, extrinsecus etiam nummorum valor augeatur, id quod plurimum interest Reipublicae. Multa secus in illam incom-  
mo.

(a) Solin. cap. 53., Ruan. Ist. lib. 6. al' anno 1551., Grot. hist. Belg. lib. 4. ad ann. 1595.

(b) Nota 3. al dritto della natura, e delle Genti di Buffendorff cap. 1. lib. 5. tom. 3.

moda; grande Principatus damnum; extrema pecuniarum caritas. Nil erit profecto quod omnino resistere posset Hominum avaritiae, & fraudibus, atque impedire, quominus fiat monetarum extractio ad alias Regiones, earumque constatio, & in massam redactio. Plurimum valent Leges, multum comminatio Suppliciorum, & Magistratuum sollicitudo. At omnia Homines lucro addicti despiciunt illius aviditate. Nulla Natio est, quae gravissimis sub poenis non prohibeat monetarum extractionem, fufuram, ac reductionem in massam. Nihilominus prohibitio, & exequutio etiam poenarum non satis sunt ad impediendam monetarum perturbationem, praesertim ubi illarum valor extrinsecus excedit valorem intrinsecum.

Utilius hinc semper visum est augere monetarum valorem extrinsecum, quoties pretium auctum est materiae, quae constituit intrinsecum illarum valorem. Ita sane fieri oportere novimus, primum a Constantino Imperatore, qui aureum nummum, cujus pondus sub Consulibus, & Caesaribus usque ad tempora Severi fuit quarta pars unciae, imminuit ad sextam partem (a). Et numero aureorum adaucto, ac singulorum pondere imminuto libram statuit solidorum 84., praescripsitque formam illustrationis auri in Fiscum. his verbis = „Si quis solidos appendere voluerit auri „ cocti, septem solidos quaternorum scrupulorum nostris vultibus figuratos appendat pro singulis unciis, quatuordecim vero pro duabus (b).

Id novimus itidem a Valentiniano Sen.: Aucto enim in dies post Constantinum auri pretio, sive ut Symmachus (c) ait = „ Paulatim auri enormitate crescente = jam solidorum intrinsecus valor extrinsecum publica auctoritate impositam aestimationem excefferat. Jam inde ob redundantiam intrinseci valoris ex Negotiatorum, & Aurificum malitia incaeperat penuria monetarum. Plura se offerebant, irrepto malo ut mederetur, scilicet vel ut augeretur extrinsecus solidorum valor; vel ut, retento eodem cujusque solidi valore extrinsecum, imminueretur pondus; vel ut augeretur in singulas libras imminutorum aureorum numerus; vel ut demum imminueretur libra, ut paucioribus in posterum solidis ejusdem ponderis, quam antea, auri libra conficeretur.

Ex

(a) Plin. lib. 33. cap. 3., Budæus lib. 3. de (b) Leg. 2. Cod. Theodof. de ponderat. Ase, Agric. lib. 2. de pond. & temperat. (c) Epist. 49. lib. 10. edit. Lugd. Bat. 1653. monet.

Ex his ultimum placuit Valentiniano, voluitque, ut in Tributorum collatione pro qualibet debita auri libra non amplius susceptores exigenter solidos 84., sed dumtaxat 72.. Itaque Lupicino, & Sonino Conf. (a) constituit, ut =, quotiescumque „ certa summa solidorum pro tituli qualitate debetur, & auri „ Massa transmittitur, in septuagintaduos solidos libra feratur „ accepto =. Num non ex hoc manifestum, imminutum dumtaxat fuisse aureorum in libram numerum, eodem retento eorumdem pondere? Ita quidem. Libra enim effecta 72. Solidorum ejusdem ponderis, cujus erant solidi Constantiniani, ejusdem in posterum fuit aestimationis, ac antea, cum constabat solidis 84. Imminutio namque coercita fuit ad libram numeralem, ut tantumdem 72. Solidi praestarent, quantum antea solidi praestabant octogintaquatuor. Errant propterea, qui vel libram auri authumant, semper fuisse ejusdem ponderis, vel imminutam fuisse extremo tempore Imperii Constantinopolitani.

Solidorum hujusmodi in singulas libras imminutum numerum retinuit deinceps Imperator Honorius (b). Quippe hic voluit, ut etiam in strenis, & munusculis, quae singulis annis offerebantur post Kalendas Ianuarias, postque publica vota pro ejus suscepta salute non aureos 84., prout olim. sed Obryziacos, hoc est auri purioris solidos tantum 72. in libra sibi quisque offerret. Hinc Olybrius, & Probino Conf. Mediolani Constitutione ad Basilium Praefectum Urbis directa (c) inquit =, „ Quando votis communibus felix annus aperitur, in una auri libra solidi septuagintaduobus obryziaci Principibus offerendi devotionem animo debenti suscipimus; Statuentes deinceps sequentibus annis uniuscujusque sedulitas Principibus suis talia ingerant semper, & deferant =, Quo factum est, ut auri libra imminuta, sponte sua singulorum etiam solidorum aestimatio adaugeretur, & aequaretur materiae pretio tunc temporis adaucto. Illud itidem praestitit imminutio librae, quod praestitisset nova, atque expressa extrinsecae aestimationis adauctis iisdem aureis Nummis. Caeterum sive extrinsecus augeatur, sive minuatur nummorum valor, semper intrinseco materiae pretio respondere propemodum debet, nec illud excedere. Primum ut aequitas servetur, atque commercio-

(a) Leg. 3. Cod. Theodof. de suscept. praepolit. & Arcar. (b) Symmach. Epist. lib. 26. Epist. 28. (c) In Cod. Theodof. cap. 1. de oblat. vot.

ciorum bene servata ratio non evertatur ; alterum ne malitia Negotiatorum inducatur monetarum caritas non absque Principis jactura , & Populi incommodo .

Id tamen non ita rigide intelligendum est , ut nequeat Princeps aliquid monetis imponere ultra pretium ipsius materiae . Potest quidem in extrinsecum valorem conferre sumptus necessarios in cudendis nummis , quod nulla Lege , nullave obligatione tenetur suis impensis illos cudere . Quum materia electa fuit , non nisi Populorum commodo consultum est , ut publica , & perpetua aestimatio difficultatibus permutationum aequalitate quantitas subveniret . Rursus cum ex materiae magnitudine , & pondere , quod principio praefinitum est , nummus deinde caractere fuit percussus ejusdem ponderis , cujus & ipsa materia , Lex itidem commoditati prospexit Privatorum , ut absque alia Hominum sollicitudine constet ex publico caractere , quanta sit ejus materiae aestimatio . Nunquam vero constitutum est , ut Respublica vel Princeps hisce Populi commodis consuleret suis sumptibus . Proinde impensae , quae necessariae sunt in cudendis monetis , quae unum respiciunt commodum Populi , augere debent earum extrinsecum valorem ; id quod etiam est intra sphaeram justitiae commutativae , ne Princeps remaneat in damno (a) .

Sunt qui contrariam tenent Sententiam , Bartolus (b) Curtus jun. (c) Petrus Velluga (d) sunt qui in Principes afferunt auctoritatem *Text. in Cap. quanto de jurejurando* , contententes , numismata expensis publicis esse cudenda , nec pluris esse aestimanda , quam ipsa materia absque caractere publico aestimatur . At pace tantorum Virorum non ea est vis praedicti Textus , ut eorum Sententiam confirmet ; nam in casu ibi expresso loquitur Innocentius III. de numismatis detrimento , quod eo pacto contigerat , ut praeter valorem materiae , & modum legitimum expensarum aliud pretium constitutum fuerat , quod penitus illicitum paulo ante demonstravimus , ut innuunt Pontificis ea verba = „ quidam „ Consiliarii tui , immo potius Deceptores , tuum animum indu-

„ xc-

(a) D. Antoninus in summa p.2. c.18.,  
Jacobus Bornitius de nummis lib.1.  
cap.11. Budaeus de asse lib.1., Jo.  
Aquila de monet. potest. par.1. cap.4.  
(b) In Leg. Paulus ff. de solut. in Leg. Qui  
falsum ff. de fals. & in Leg.1. §. ult. de

aur., & argent. legat.

(c) In Leg.2 §. Mutui num.12. ff. si cert.  
petat.

(d) In speculo Principum tit. de murat.  
monet. num.7.

„ xerunt , ut iurares , irrequisito assensu Populi , usque ad certum tempus Patris tui conservare monetam , quae tamen circa mortem ejus fuit legitimo pondere defraudata = .

Remota propterea dispositione hujus Textus , nil est , quamobrem non possit Princeps in cudendis nummis praeter intrinsicum monetae valorem eorum pretio extrinseco etiam adicere impensas . Accedit Principis favore consuetudo , quae in universo Christiano Orbe longe jamdiu invaluit , qua receptum est , taxare posse Principem pretium in monetis ultra ipsius materiae aestimationem titulo admissim expensarum hujusmodi . Magnam esse consuetudinis auctoritatem quis ignorat ? Ex ea praesertim licitam esse in cudendis monetis accretionem praetii expensarum dixerunt Abbas (a) Imola (b) idem Bartholus (c) Martinus Landeus (d) Petrus Velluga (e) Albertus Brunus (f) Carolus Molineus (g) . Immo tantam consuetudini tribuunt efficaciam , ut admittant , posse etiam Principem , urgente necessitate , vel ad subveniendum publicis impensis monetae valorem extrinsecum augere ultra aestimationem materiae , id quod etiam Romae ab ipso Senatu ob publicam inopiam olim factum fuisse testatur Plinius (h) .

Verum ad Valentiniani Sen. Constitutionem revertamur , ut illud palam sit aucto in Forensi aestimatione intrinseco auri pretio , etiam extrinsecam , & imposititiam nummorum aestimationem augendam , & pretium quoque venalium rerum esse imminuendum . Id profecto ex illo habetur . Quoniam cum tempore , quo libra constabat solidis 84 . , modii duodecim frumenti solido venderentur , ut notum est ex Juliano Imperatore , imminuta deinde libra ad solidos 72 . , proindeque aucta solidi aestimatione , non amplius decem , sed *duodecim* modii solido venditi sunt , ut ait Suidas (i) his verbis = „ istud vero lege sanxit Valentinianus , ut „ Modii duodecim Frumenti solido venderentur &c , unde Nautae „ cuidam , quod hoc non fecisset , dextera manus amputata est „

Et recte quidem ; nam pecunia mensura est Mercium in emptionibus venditionibus , Merciumque aestimatio in pecunia fieri di-

(a) In dist. cap. Quanto de jurejurand. num. 11.

(b) Ibid. col. 4. , & in Leg. Paulus ff. de Solut.

(c) In Leg. 2. §. Mutuis ff. Si cert. petat.

(d) In Tract. de Monet. col. 1.

(e) Ubi supra num. 7.

(f) De augment. , & diminut. concl. ult. col. 1.

(g) De Contract. qu. 100. num. 796.

(h) Lib. 33. cap. 3.

(i) In Misopogono in fin. pag. 369. Edit. Lipsiae .



dicitur (a). Quod ut de cœteris nummis verum est, ita speciatim de auro, quod cœterorum nummorum ei subsectorum, & universi commercii est veluti norma. Hinc ~~Valentinianus~~ (b) inquit = Pro imminutione, quae in aestimatione Solidi forte tractatur, omnium quoque pretia specierum decrescere oportet =. Quis profecto dixerit, secus fieri potuisse? Equidem siue Constitutio isthac referatur ad tributa in speciebus, scilicet praestanda in frumento, oleo, & similibus (c), siue, ut probabilius videtur, ad species referatur in Foro venales, quarum cura, ut iusto pretio venderentur, pertinebat ad Praefectum Urbis (d), semper opus fuit Principis providentia, ut pro imminutione numeralis auri librae, sicque pro augmento extrinseco singulorum Solidorum pretia quoque venalium specierum imminuerentur in Foro. Cum usu jam tum compertum fuerit, ut, etiam nummorum potestate, ac aestimatione extrinseca iuste adaucta, venditores mercium iniquo animo ferrent à consueto pretio discedere, illudque pro nummorum augmento imminuere, ut etiam advertit Ludovicus Muratorius (e).

Quidquid vero statuit *Textus in d. Leg. pro imminutione 2. Cod. de veter. Numism. potest.* ad imminutionem referri debet librae auri, atque ad extrinsecam, quae inde adaucta est, Solidi aestimationem factam per Principem. Quod enim respicit vel injustum aestimationis augmentum, quae per Belli, aut Famis necessitatem invecta est, vel per commercii abusum, per Mercatorum, & Argentariorum avaritiam, per deteriolem monetae qualitatem, (quae alioquin causae sunt, ex quibus moneta vel augeri, vel minui aliquando solet), non pertinet ad hanc legem, quod diversa in iis est causa imminutionis.

Ita rem explicat Covarruvias (f) = Tertio in idem tendit *Textus in leg. 2. Cod. de vet. numism. potest.* juxta Accursii interpretationem, quae videtur probare, quod diminutis Numismatis quoad pondus, quidem etiam eorum aestimatio diminuenda sit &c. Est enim ejus sensus secundum Bart., quod minuta aestimatione Solidi, minuitur aestimatio rerum, quae venduntur ad Solidum, sicut itidem contingit, ubi aestimatio monetae augetur, & crescit; nam eadem ra-

C

tione

(a) Leg. 42. ff. de Fidejussor.

(b) Leg. 2. Cod. de vet. Numism. potest.

(c) Leg. 2. Cod. Theodof. de caven. Frum. Urb. Romae.

(d) Leg. 1. Cod. de Offic. Praefect. Urb.

(e) Della pubblica felicità cap. 24. della moneta.

(f) De vet. Numism. collat. cap. 7. sub num. 2.

tione crescunt pretia rerum omnium, quae eadem moneta emi soleant &c. quod verum est, & procedit, ubi omnes monetae minoris pari proportionem augentur, vel minuuntur; tunc enim pretium augetur, vel minuitur omnium rerum uniformiter diminuta, vel aucta aestimatione omnium monetarum, atque ideo pretium rerum, cum sit uniformiter variatum, aequipollet veteri pretio =.

Sed ut descendamus ad proportionem, quemadmodum ad monetarum copiam quam maxime conducit intrinseca cum extrinseca earum valoris exaequatio, comprehensis expensis, quas necessarias diximus in illis cudendis, ita summopere servanda est proportio, quae aureos nummos inter, & argenteos, aeneosque intercedere debet. Porro una proportio ista nec repellit commercii incommoda, & monetarum penuriam. Hanc omnino inducit redundantia valoris intrinseci ultra aestimationem extrinsecam. Tanta enim hominibus est lucri aviditas, ut, etiam resistente lege, monetas habeant loco mercium, alio exportent, conslent, convertantque in usum operarum fabrilium, ut supra visum est. Contra, remoto lucro quantitatis redundantis, cuiusque moneta, quae non adamussim respondeat pretio materiae intrinseco, nisi comprehensis expensis, quae necessariae sunt in cudendis nummis, & ipsa monetarum penuria removeatur oportet. Nemo enim aut illas venderet pluri, quam ipsa materia aestimatur, aut funderet ad lucrum, aut adulteraret, ut advertit Almicus (a) hisce verbis = *Non solamente conviene impiegare del buon Metallo a formare le monete, per evitare le frodi, ma ancora farla lavorare in maniera, che congiunta la fattura al valore intrinseco, vaglia più di quello valerebbero impiegate in uso comune. Bernardo fa un tale giudizioso riflesso nelle Novelle della Repubblica letteraria del mese di Marzo 1704.* =.

Haec, si valor extrinsecus excedat intrinsecum: Quid vicissim, si intrinsecus extrinsecum valorem excederet? Actum esset de Commercio, quia non amplius verificaretur finis, propter quem materia, & moneta adinventata est, ut ejus publica, & perpetua aestimatio difficultatibus permutationum aequalitate quantitatis subveniret, atque materia ipsa forma publica percussa usum, dominiumque non tam ex substantia, quam ex quantitate praeberet (b). Neque Exteri

no-

(a) Nelle Note al Puffendorf del Dritto pag. 23. tom. 3.  
della natura, e delle Genti not. 1. (b) dist. leg. 1. ff. de contrahen. empt.

nobiscum negotiarentur, nisi in permutatione mercium cum mercibus, si nostris indigerent (a), vel etiam in ipsa pecunia, nostro tamen cum damno, ut Alimicius (b) ait = *Altrimenti la moneta non potrebbe servire all'uso, cui è destinata, almeno rispetto gli Popoli di altri Stati, perchè quando non fosse la moneta composta in una tale proporzione relativamente all'intrinfeco valore del Metallo, di cui è composta, secondo il corso, e prezzo, che ha presso gli altri Popoli, non servirebbe a commerciare con li medesimi Popoli, se non con alterazione, o discapito eccedente* =.

Propterea Metallorum proportio non solum in genere servanda est, verum habita etiam relatione ad eorundem aestimationem, quae servatur apud alias Gentes, quibuscum commercium exercetur. Ita Heinnecius (c) inquit = *Quamvis pretium nummi definire sit Summi Imperantis, ut infra demonstrabimus, tamen ut in pretio vulgari ratio habenda est aliorum, à quibus quid acquirere cupimus, ita facile patet pecuniae tale assignandum pretium, quod alias Gentes, quibuscum nobis Commercium est, non adspernaturas, probabile est, adeoque sequendum esse rationem unius Metalli ad aliud, quam pleraeque Gentes vicinae cultiores probare solent, nisi vel alios detertere, quominus nobis commercium habere audeant, vel ipsi infige detrimentum pati velint* =.

Nonnisi haec ad arcenda incommoda, & damnum etiam Publici Aëarii in ~~exactione~~ Tributorum, quae reciperet immi-  
nuta, si valor monetarum intrinsecus non responderet materiae, ex qua cufae sunt, voluerunt Imperatores, ut in cudiendis nummis aequa semper haberetur proportio aureorum ad argenteos, aeneosque. Primus omnium, qui proportionem aeris ad aurum per Occidentem imperaverit, fuit Honorius. Tributa olim in ipsis speciebus plerumque pendebantur (d), nisi publica necessitas secus postulareret, vel Principis accederet adnotatio, ut alia species pro alia traderetur, habita proportionem intrinsecae aestimationis aeris, vel argenti ad aurum (e). Deinde, postulantibus Provincialibus, ut in collatione Tributorum proportio isthaec firma esset,

C 2

(a) Polyb. lib. 6. cap. 47. in fin.

(b) Nel luogo cit. not. 2. pag. 22.

(c) De iur. natur. lib. 1. cap. 13. §. 336.

(d) Leg. 1. Cod. Theodos. Tribut. in ipsis speciebus. & leg. 2. de Fabricen.

(e) Leg. ult. Cod. Theodos. de Collar. donat. leg. 3. eodem Cod. de collat. aeris, & leg. unic. utroq. Cod. de argent. pret.

set, ac perpetua, Honorius pretium aeris, quod tradere debuissent, aestimavit aureum unum pro vigintiquinque libris ejusdem aeris (a), rescribens = *Aeris pretia, quae à Provincialibus postulantur, ita exigi volumus, ut pro vigintiquinque libris aeris unus auri solidus à possessore reddatur* =.

Unde si ea constituta fuit proportio aeris ad aurum, ut pro vigintiquinque libris materiae aeris praestaretur tunc unus Solidus; palam est, ad peraequandam auri libram Solidorum 72., opus fuisse aeris libris 1800., quot conficiunt librae vigintiquinque ductae in 72. Ad hanc ipsam proportionem respexit quoque Theodosius jun.; quum, adempta optione Solutionis Tributorum (b), sancivit = *Ne cui deinceps in nummo, vel in specie, nisi ita publica necessitas postulavit, propria liceat Tributa persolvere, sed ut magis aut ipsam speciem, si hoc usus exegerit, aut aurum, quod aestimatio certa constituit, pro centenario aeris hujusmodi possessor exsolvat* =.

Proportio haec tamen non fuit semper eadem. Diversa quidem placuit Justiniano aestimatio, cum illam ex libris 25. reduxit ad libras viginti aeris pro quolibet Solido (c) constituens = *Aeris pretia, quae à Provincialibus postulantur, ita exigi volumus, ut pro viginti libris aeris unus auri solidus à Possessore reddatur* =. Perperam vero Savatus (d), alique Interpretes putant, lectionem Codicis Justiniani viginti libris aeris esse emendandam ex Codice Theodosiano, ut consequens sit, etiam tempore Justiniani unum Solidum aequalle libras vigintiquinque aeris. Satis hic esset advertere, Savatum ipsum agnovisse, proportionem hujusmodi non fuisse perpetuas, sed pro temporum, & Locorum diversitate varias, cum ratio proportionis inter unam, alteramque Metallum speciem non aliunde peti debet, quam à forense pretio, quod pro tempore obtinet. Quamobrem si providissima ratione Honorius pro sui temporis circumstantiis eam esse voluit proportionem ad aureos Solidos, ut quisque pro vigintiquinque libris aeris penderet unum Solidum, sapienter non minus Justinianus, intrinseco, ac forense aeris pretio aliquantulum adaucto, voluit deinde, ut pro uno auri Solido non amplius vigintiquinque, sed penderentur viginti dumtaxat librae aeris.

Post aeris proportionem ad aurum proportio etiam indu-

(a) Leg. 1. Cod. Theodof. de collat. aeris.

(c) Leg. unic. Cod. de collat. aeris.

(b) ibid. leg. 3.

(d) De re nummar. p. 3. cap. 13.

cta est inter aurea, & argentea numismata. Vix enim ac proportionem Honorius statuit aeris ad aurum, Imperator Arcadius anno sequiore in Tributorum collatione facultatem indulgit solvendi aurum pro argento (a), atque proportionem inter utrumque constituit quinque aureorum Solidorum pro qualibet libra argenti his verbis = *Jubemus, ut pro argenti summa, quam quis Thesauris fuerat illaturus, inferendi auri accipiat facultatem; ita ut pro singulis libris argenti quintos Solidos inferat.*

Quo factum est, ut in Tributis cum non semper quis, adveniente Susceptore, haberet argenteos, vel aureos, vel aeneos nummos, aliud deinde pro alio solvendi cuique jus esset, quod secus non liquisset. Hac vero indulta facultate, argenteorum nummorum proportio ad aureos etiam constituenda fuit pro forensi, atque intrinseco utriusque Metallii pretio tunc temporis vigente. Sic ab Arcadio proponitur, ut pro libra argenti, seu denarii libram conficientibus Solidi quinque Aërio inferantur. Inde sequitur, ea tempestate argenti libras quatuordecim cum duabus librae quintis uni auri librae adamussim respondisse, adeoque auri pretium extrinsecum majus quam praecedentibus intermediis temporibus fuisse. Nam discimus ex Plinio (b), cum primus nummus aureus Romae eusus est, eam fuisse proportionem auri ad argentum, quae est unius ad quindecim, quamvis Savatus (c) ostendere conatur, jam Plinii aëvo proportionem argenti ad aurum fuisse duodecimariam, uti & apud Graecos fuisse ex Platonis Hipparcho Viri docti non pauci probarunt.

Herodotus etiam in Thalia ait, sua aetate aurum cum argento collatum fuisse proportionem unius ad tredecim. Paulo inferiorem proportionem indicat Pollux (d) dicens = *Aurum vero argento decuplo praestantius erat* = . Sic etiam P lybius (e) ait = *Pro argenteis decem minis unam auri penderent* = , & Livius (f) inquit = *dum pro argenteis decem aureus unus valeret* = . Argenti itidem libra modo in argenteos, seu denarios sexaginta, modo plures, modo pauciores divisa fuit. Et quamvis sub Arcadii imperio proportio argenteorum nummorum esset ad aureos constituta, veluti unius ad quatuordecim, attamen crescente deinde

in

(a) Leg. unic. Cod. Theodof. de argent. pretio, quod Thesaur. insert.

(b) Hist. nat. lib. 33. cap. 3.

(c) De num. antiq. lib. 19. cap. 1.

(d) Lib. 9. cap. 6.

(e) De foeder. Etulic. lib. histor. pag. 220.

(f) De eod. foeder. lib. 38. cap. 2.

in dies auri pretio, Theodosius jun. (a) mandavit, ut = *Pro singulis libris argenti, quam Primipilares Viris spectabilibus Ducibus sportulae gratia praestant, quaterni Solidi praebeantur, si non ipsi argentum offerre sua sponte maluerint* = . Itaque cum Cohortalibus occasione praestandi sportulas, quas respondere tenebantur suis Ducibus, potestas facta est, eas praestandi non amplius ad rationem Solidorum quinque pro qualibet argenti libra, prout iusserat Arcadius, sed ad rationem Solidorum quatuor, facta est proportio auri ad argentum, veluti unius ad septendecim.

Etiā Summis Pontificibus plurimum semper cordi fuit incudendis monetis proportio inter aurum, & argentum. Ita Julius II. cum noverit, ex facta monetarum immutatione magnum Rev. Camerae damnum obvenire in exigendis Censibus, ac Tributis, quia, imminuto intrinseco Carolenorum, & Bononenorum valore, non amplius servabatur proportio inter unum Ducatum auri de Camera, & decem Carolenos veteres, imperavit, ut cuderentur novi argentei Caroleni majoris ponderis, quos postea ab ejus nomine *Julios* vocarunt, ita quod Caroleni decem monetae novae Ducatum unum auri de Camera conficerent (b). Quod constat etiam ex Brevibus ad Pifaurense, Camerinese, & Anconitanos datis (c), ubi idem Pontifex inquit = *Fecimus cudi novam monetam usibus Populorum valde accomodatam, ut tandem Ducati aurei, QUORUM PRETIUM IN DIES AUGEBATUR, certo numero, pondereque consistant* =, & in alio Brevi Fulginatensibus directo (d) inquit = *Introductio novae monetae nostrae magna cum consideratione, & deliberatione, cum consilio Peritorum pro utilitate Populorum nostrorum est facta, generalissimaque est, & exceptionem non patitur* =.

Auctam deinde cum Successores Pontifices noverint in Foro intrinsecam aestimationem Juliorum argenti, hoc augmentum & ipsi probarunt, damnum ut repellerent Principatus. Etenim Julios à Julio II. taxatos ad rationem quatenorum dumtaxat trigintanovem, proportionem habita ad aeneam monetam, taxarunt deinceps anno 1524. ad rationem quatenorum quadraginta, anno tandem 1591. illorum *magis magisque aucta aestimatione*, per Bannimentum im-

(a) Leg. 27. Cod. Theod. de Cohortalib. (c) Brevium tom. 1. pag. 144.  
 (b) Motu proprio 20. Julii 1504. l. 57. (d) Brevium tom. 8. pag. 454.  
 divers. Camer. pag. 96.

imperarunt = *La riduzione del Giulio di argento da quaranta quattrini a cinquanta (a)* = .

Proportio denique monetae aureae cum reliquis argenteis, aeneisque varia quidem fuit ubicumque terrarum à saeculo XIII. pro vicissitudinibus pretii forensis auri, & argenti, videlicet modo unius ad decem, modo unius ad undecim, modo unius ad duodecim, & usque ad sexdecim (b). Varia etiam fuit monetarum proportio in Ditione Pontificia post reformationem Julii II., scilicet unius ad decem sub Paulo III., Julio III., S. Pio V., Gregorio XIII., Clemente VIII. (c). Interea adaucto auri pretio in fine saeculi XVI. proportio fuit unius ad undecim, & modo usque ad quatuordecim (d). Sub Clemente XI., redacto pretio scuti auri ad Julios sexdecim cum dimidio, fuit unius ad quindecim. Deinde cufis sub Benedicto XIII. novis aureis vulgo *Zecchini*, fuit unius ad sexdecim, & 12 centesimas, licet paulo post argenteis nummis ab eodem Pontifice imminutis quantum ad intrinsecum eorum valorem, invaluit deinde proportio unius ad quatuordecim, & 32 centesimas, quae reputatur iusta.

Valent haec ad servandam aequalitatem monetarum, sed ad illarum abundantiam, atque ~~Commercii~~ *Commercii* ampliationem plurimum confert ~~internus~~, & expeditus cursus quorumcumque proborum nummorum, qui ab exteris Principibus cuduntur. Nihil est, quamobrem nummi aliorum Principum non ubique admittendi sint. Quidquid Mercatores objicere assolent, nummorum hujusmodi ne liber admittatur cursus quavis in Civitate, & Ditione, nullo quidem jure firmari potest. Non leges hic quaerimus Commercii Litterarum Cambialium, sed modum quaerimus, ex quo ubique pecunia redundare valeat. Redundabit quidem, si praeter monetas propriae cujusque Regionis Supremae Principis auctoritate liberum ubicumque terrarum cursum habebunt exterae monetae.

Non ipsi Mercatores inficiantur, multum utilitatis obvenire ex cursu ejusdem monetae; unum dicunt necessarium, ejus scilicet valorem metiri qualibet Hebdomada, & aequari currenti pretio.

(a) Lib. 66. de' Bandi pag. 23., & in lib. divis. Camer. tom. 76. pag. 112.

(b) Comit. Carl. della moneta d'Italia, dissert. 6. tom. 2. dissert. 7. tom. 3. *Neri osserv. sul prezzo delle monete*, Albert.

bert. Bruni de augment., & diminut. monet. cap. 1., & seq.

(c) Lib. 42. divis. camer. pag. 42. ad 164.

(d) Bodin. de Repub. lib. 6. cap. 3.

tio Cambiorum. Quid hoc tamen ineptius? Aliud est Cambii pretium, aliud pretium monetarum. Primum varium est in singulis hebdomadis pro varietate, atque majori, vel minori quantitate sive debiti, sive crediti unius erga alteram Plateam; posterius semper est idem, quia respicit intrinsecum materiae valorem. Sive itaque unius Plateae creditum sit magnum, sive grave alterius debitum, monetae intrinsecus valor erit semper idem quantum ad illos, qui monetam habent ex libero illius cursu, quamvis secus sit quantum ad eos, qui illam habent ex commercio Litterarum, Cambialium. Isti enim non idcirco monetam recipiunt imminutam, quod imminuitur illius valor intrinsecus, sed quia monetam habent, cujus valorem extrinsecum imminuit commercium passivum illius Plateae erga alteram, cujus est moneta.

Quid refert, monetam hanc si quis extraxerit, asportaverit aliquando ad propriam Regionem, cum ex gravitate Cambii noverit, id sibi magis expedire? Eandem ob causam illuc illam denovo alii deferent. Sunt Operarii finitimorum locorum; sunt viatores, & hujus generis alii, qui monetam deferunt, impendunt pro eorum indigentis. Haec autem, si liberum apud omnes adinveniret cursum, erit in omnium commercio, ex quo Populi commodum, & monetarum copia. Novit id Sacratissimus Princeps Pius VI., qui natus ad communem felicitatem provido nuper consilio in Urbis, & universae Ditionis suae utilitatem Hispanicorum nummos argenteos, quos vocant *Pezzi duri* = admisit, eisque perpetuo tributo valore, imperavit, illos ut omnes reciperent, ac vicissim darent pro uno scuto (a). Quis Romae ex hac una providentia ad unam unius Regni monetae speciem coercita non expertus jam est monetae copiam? Quid si ad alias aliarum praesertim finitimarum Ditionum monetas consultissimum in posterum protrahatur Decretum? Quid si hujusmodi cursus obtineret quavis in Ditione? Tanta quidem Civibus esset monetarum copia, quantafatis ad eorum necessitates, & commoda vitae.

Valor itaque inspiciendus est cujusque monetae, ut liber ejus cursus admittatur apud omnes. Pretium itidem cuique Publica auctoritate constitui debet, ne fraudes obveniant. Hoc tamen non ita praefiniri debet, ut varium sit, & limitatum ad intrinsecum valorem materiae, multo minus ut ne attingat quidem valorem intrinsecum, sed ita constitui decet, ut paululum protrahatur

(a) Ex Edicto Esmi D. Cardinalis Camerarii die 13. Aprilis 1785.



tur ultra Metallī valorem . Tali pacto alliciuntur Exteri ad introductionem monetarum , quemadmodum arcentur taxae vilitate . Sunt Ditiones, in quibus permittitur cursus monetarum exterarum; illius tamen beneficio idcirco privantur Cives, quod in Tariffa adeo praedictae monetae aestimatae sunt , ut non introduci sine damno possint . Tariffa hoc in casu reformari debet , habita ratione tum valoris Metallī , tum expensarum , si non omnium , saltem partis ; habebitur tunc copia monetarum (a).

Exemplo sit factum consultiſſimum immortalis PII VI. Pontificis Maximi, qui pretium praedictae monetae Hispanae constituit. Quid enim Cambii regulae cum iis , qui in aliam Ditionem introducunt monetam? Introducunt illam, ut ibi impendant? Ut merces emant? Moneta isthaec non ex Cambio, sive credito, vel debito illius Regionis , à qua venit , aestimanda est , sed ex suo intrinseco valore cum additione pro rata impensarum, quae factae sunt in cudendis nummis . Quidni? Esto etiam sit grave Civitatis , à qua venit pecunia , debitum erga alteram , in quam introducitur . Debitum tamen huiusmodi , quod oritur ex majori quantitate mercium , quas illa Civitas acquisivit ab altera , & ex minori quantitate aliarum, quibus haec indiguit , non afficit tertium, quae parata pecunia venit ad Civitatem crediticem vel solatii causa , vel ad propria negotia contrectanda, ibique hanc impendit numeratam pecuniam .

Reputatur is extra generale commercium , & uti tertius, qui non venit ad augendum , seu dimittendum debitum suae Civitatis, sed ad permutandam pecuniam suam cum victualibus , vestibus , mercibus , aliisque sibi necessariis , quoad ea in Civitate moram duxerit, quum nec cum ipsa Civitate, nec agit cum Campforibus, sed cum aliis tertiis, qui cum merces suas vel permutant , vel vendunt praesenti pecunia , non respiciunt ad debitum, sive creditum illius Civitatis , cuius est pecunia, sed unum inspicunt , pecunia scilicet isthaec quanti valet . Praeterea habita etiam ratione debiti Platearum , semper , qui illud dimittit pecunia numerata , vel ipsa moneta , est in lucro ex majori aestimatione , quae tribuitur monetae. Est in ore omnium Campforum, passivum Urbis commercium cum aliis Plateis excedere commercium activum . Nihilomi-

D

nus

(a) Il Missionario Priot in una sua lettera del 1774. scrive di aver trovato nella Cina moneta di argento di Ro-

ma , e particolarmente moltissimi Testoni di Urbano VIII., che colà avevano libero corso regolato con Tariffa .

nus illud est exploratissimum, monetam Romanam illis in Plateis aestimari supra aestimationem, quam habet in ipsa Urbe. Mittimus monetam argenteam: ad auream quod pertinet, certum est inter Camplores, nummum aureum Romanum, cujus valor est in Urbe scutorum duorum, & obulorum quinque, longe majorem esse in aliis Italiae Civitatibus (a).

Major igitur aestimatio hujusmodi uni tribuendum est beneficio numeratae pecuniae. Ergo cum utile, tum necessarium erit fovere liberum cursum cujuscumque exterae monetae, ex quo Civibus non damnum, sed commodum, utilitas, & pecuniae redundantia obvenire potest. Despicienda sunt caetera, quae Mercatores objicere solent, quia pertinent ad commercium activum, & passivum, atque ad debitum Platearum, quod uni tribuendum est nimiae mercium exterarum introductioni, sive luxui, ut rectius dicunt Ludovicus Muratorius (b), & Antonius Genuensis (c). Haec nihil commune habent cum pecunia numerata. Incommoda, quae promanant ex praedicto commercio, sentiant, qui ipsi inserviunt luxui, nisi hanc pestem arcere placuerit Principibus, imperata observantia eorum, quae in Jure constituta sunt sub sit. *Cod. Theodos. de habit. quo uti oportet intra Urbem*, & sub sit. *Cod. tam Theodos., quam Justinian. de vestibus Alderis*, & *auratis*. Non tamen prohiberi debet cursus proborum nummorum cujuscumque Regionis, multo minus pretium eis adeo tenue tribuendum est, & varium, ut inutilis evadat eorum cursus, si permittatur; sed ita permitti debet, ut ea ipsi per publicam, & perpetuam Tariffam imponatur aestimatio, quae respondeat non Metalli solum valori, sed ut supra probavimus, parti etiam expensarum, quae necessariae fuerunt in illis cudentis, ne quis ab illorum introductione arceatur.

Cursus monetarum magis, ut foveretur, usus olim invaluit (& nunc etiam variis in Civitatibus servatur) Mensariorum, & Collybistarum, quorum opera, & industria tum exteras, tum proprias monetas permutarent Cives ad eorum opportunitatem, & commodum. Saepe quidem accidit, quem habere monetas aureas

(a) Non si controverte fra Banchieri, che il Zecchino Romano corra in Genova per lire 13. 14. 6. che equivalgono a sc. 2. 19., in Milano lire 14. 3. che corrispondono a sc. 2. 16., in Firenze per lire 13. 2., o siano sc. 2. 18., in Venezia sc. 2. 18., in Napoli

Ducati 2. 57., che di moneta Romana sono sc. 2. 15., sebbene in qualche settimana vi sia qualche piccolo divario a cagione de' Cambj.

(b) Della pubblica felicità cap. 24.

(c) Lezioni di commercio part. I. c. 10.

aureas, indigere argenteis; habere aeneas, indigere aureis, vel argenteis; habere chartas monetam repraesentantes, de quibus supra dictum est, indigere numerata pecunia aurea, vel argentea. Quid tum utilius, quam paratos habere Collybistas, ad quos recurrant Cives, & recipiant eam pecuniarum speciem, quam desiderant, & indigent, eis persoluto collybo, vulgo *Aggio*, quem Princeps taxaverit? Profecto res esset commodi plena, & non Civibus damnosa. Pecuniam permutarent, qui non illam aliunde sine collybo habere possent; rependerent collybum, qui urgente necessitate pecuniam quaerunt.

Sic Romae ad Populi commoditatem fuerunt, qui pro pecuniarum permutatione publicas retinebant *Mensas*, ac *Tabernas* in Foro prope Castoris Aedem, uti ex Plauto in *Curculione*, in *Persa*, in *Asinaria*, & Terentio in *Formione*; unde modo *Mensarii*, & *Argentarii* appellati sunt, ut ait *Svidas* = *qui nummos viliores, & immutiores argento permutant*, *Mensarius*, *Argentarius* = modo *Nummularii*, ut ait *Balsamon* (a) = *Nummularios hoc est Mensarios, seu Argentarios ex sacris ambitibus abegit, & aes eorum, hoc est nummos, effudit* =; modo *Collybistae*, & *Trapezitae*, & *merces eis debita Collybus* (b); modo tandem, quod ad publicam commoditatem, colligebant ~~monetas~~, dicti sunt *Collectarii*, uti ex *Eusebio* (c). Hinc *Symmachus* (d) ait = *Vendendis Solidis*, quos plerumque publicus usus exposcit, *Collectariorum corpus obnoxium est* =.

*Collybus* itidem licitus semper fuit. Nemo enim unquam dixit, *Mensarios* hujusmodi parare aliis commodum cum suo incommodo, & damno debere. Nemo non debitam esse mercedem ei, qui proprio labore, & industria ad aliorum dumtaxat commodum parat monetas aureas, & argenteas, illas ut permutet modo cum chartis, modo cum aliis monetis. Idcirco Romae Publica auctoritate constitutum erat *Corpus Collectariorum*, qui monetas Civibus venderent, uti ex recitatis *Symmachi* verbis = *Vendendis Solidis* =, quod idem est, ac permutare pecuniam repenso collybo. Et *Schardius* (e) ait = *Unde Lagium alii dicunt, deductionem videlicet quandam, quam sibi Trapezitae retinent vel ob mercedem suam,*

D 2

vel

(a) In c. 76. Synod. Trallens. pag. 246. edit. Bevereg.

(b) Salu. de Trapezit. foenor. pag. 553. *Buddaeus* in leg. ultim. ff. de pignor. act. *Covar.* de veter. collat. numism.

cap. 7. sub num. 4.

(c) *Histor. Eccles.* lib. 5. cap. ultim.

(d) *Epistol.* lib. 10. *Epist.* 49. edit. *Lugdun. Batav.* 1653.

(e) In *lexic. jurid.* in verb. *Cambio*.

vel quia sua tantum interfit, pecuniam, quam permutationis vice exhibent, potius retinere ob monetae varietatem = . Duo sunt necessaria, unum nempe quod Collybistae non sint viliores personae, & alterum quod collybus sit moderatus, atque à Principe praefinitus, habita temporum, & monetarum ratione, ne quid ultra postulent Nummularii in Civium perniciem.

Hujus rei testis est Symmachus Urbis Praefectus. Collybum Nummulariis taxaverat Gratianus Imperator, habita ratione Solidorum; secundum reformationem Valentiniani Senioris. Aucto deinde auri pretio, defecit proportio praefiniti collybi. Ad Symmachum itaque iverunt Nummularii, novum ut praefiniret gravio-rem collybum, quem recusabat Populus ad rationem tunc temporis aucti valoris monetarum. Tum rem Symmachus detulit Theodosio Imperatori definiendam (a) his verbis = *Huic hominum generi taxationis exiguae vilitate nutanti Divus Frater numinis vestri (Gratianus) tantum pro singulis Solidis statuit conferendum, quantum aequitas illius temporis postulabat &c., sed paulatim auri enormitate crescente, vis remedii Divalis infracta est. Et cum in Foro venalium rerum majore summa Solidus censeatur, Nummulariis pretia minora penduntur. Petuit igitur de aeternitate vestra pro ratione praesentis justitiae, (id est pro praesenti augmento Solidorum) diffinitionis augmenta (scilicet augeri taxationem collybi), qui jam tanto oneri sustinendo pares esse non possunt* = .

Ignoratum est temporis antiquitate, quid Theodosius rescripserit. Rescripsisse tamen videtur, collybus ut augeretur. Id postulabat publica utilitas = *Vendendis Solidis, quos plerumque publicus usus exposcit* = . Id aequitas suadebat = *paulatim auri enormitate crescente, vis remedii Divalis infracta est* = . Id necessitas exigebat = *qui jam tanto oneri sustinendo pares esse non possunt* = . Ita Symmachus ipse rogaverat = *Si petitionis genus probabile judicatis, quaeso, ut huic quoque parti praeepto mansuetudinis vestro salubre remedium deferatur* = . Idque revera rescriptum fuisse dicendum est vel ex eo, quod anno deinde 440. in Edicto ad Populum Romanum ipse Theodosius cum Valentiniano (b) inter alia haec praefinivit = *Quo praeepto etiam illud in perpetuum volumus contineri, ne unquam intra septem millia nummorum Solidus distrabatur, emptus à Collectario septem millibus ducentis; aequabilitas enim pretii, & commodum venditoris, & omnium rerum venalium custodiet* = .

Te-

(a) Loco supra citato Epist. 49.

(b) Novell. Theodos. lib. 1. tit. 25.

Testem etiam habemus eruditissimum Gothofredum (a) = *Et ut explicem de Nummulariis istis Collybistis, eorum professio erat, nummis nummos vendere, cum de Collybistis agitur, est pro nummis, quos quis dat alios permutanti, lucelli aliquid accipere, quod dicitur collybum, accipere. Nam collybus est, quod pro permutatione pecuniae datur, vel ut D. Hieronymus ait, agens de Collybistis Templo ejetis = munus quod pro Cambio datur, quod Graeci Collybum dicebant, hoc Latini Asyraturam vocabant, maxime si asperis, id est recens percussis nummis veteres commutentur = . Et quantum ad praefinitionem huiusce mercedis, prosequitur = Hi Collectarii postea hac tempestate dicti sunt, quorum certum Romae corpus erat vendendis Solidis obnoxium, & quibus pretium publice statuebatur, taxabatur, desinebatur, ne super postularent, qua de re est insignis Symmachi Epistola = .*

Fuerunt, qui putarunt, mercedem hanc illicitam esse, obijcientes, Redemptorem nostrum illam damnaſſe, cum everſis Menſis, & effuſa pecunia, Nummularios ejecit à Templo, & monetarum aestimationem, quae publica est, & lege constituta, everti non posse majori aestimatione. Neutrum tamen plaſum apud alios adinvenire ~~promeritum est~~ ~~Non primum~~, quia non eorum officium, ~~nec~~ venditionis, & permutationis mercedem damnavit Christus Iesus, sed modum damnavit dumtaxat, & Templi abusum (b) iniquens = *Nolite facere Domum Patris mei Domum negotiationis* = . Ergo etiam Hierosolymis aderant, permittebantur Nummularii, nec à Redemptore nostro fuerunt à Templo expulsi, nisi quod Templum Domus est Orationis, non vero negotiationis .

Non alterum, quia quamvis pecunia pretium habeat à lege constitutum, cum tamen in pretio est tanquam res, & tanquam numisma à Principe signatum, licite permutari potest, & vendi majori pretio, quam quod à Principe numismati constitutum sit, habita ratione Metalli, dummodo augmentum non sit grave, ceterum contra Jo:Medinam(c) tenent Dominicus Soto(d), Sylvester(e), Cajetanus(f) . Eſſi namque praecipuus pecuniae uſus ſit ad emendum, & vendendum, ſitque ipſa pecunia rei, quae venit in contractum, pre-

(a) In Cod. Theodof. leg. unic. tit. ſi quis Solidi circumlatum .

(b) In S. Ioan. 11. 14.

(c) De reſtitut. , & Cambiis fol. 157.

(d) De juſt. , & jur. lib. 7. quaest. 2. )

(e) In verbo Uſura 4. qu. 3. )

(f) De Cambiis cap. 6. )

rium (a), quod sancte servandum est; habet tamen pecunia etiam usum, quem dicimus improprium, permutationis cum diversa pecunia. Ad effectum autem permutationis cum non habeat à lege praefinitum pretium, & aestimationem, ut docet S. Thomas (b), quem sequitur Sylvester (c). Cumque permutatio isthaec sit Reipublicae non parum utilis; hinc qui proprio labore, & industria nummos diversae speciei parat, retinetque promptos ad peragendas permutationes Civibus magis benevolas, merito ac licite mercedem percipit ea ex permutatione, praesertim si ad hoc munus fuerit, uti apud Romanos, Publica auctoritate constitutus, veluti firmiter Laurentius Rodolphus (d), Ioannes Lupi (e), Florentinus (f), Conradus (g), Cajetanus (h), Covarruvias (i), alique bene multi.

Ex his colligitur, usum hunc, qui servatur adhuc num in aliquibus Ditionibus, ubi Collybistae vulgo appellantur = *Baratta moneta* = *Cambia cavalli* = *Cambia moneta* = olim apud omnes invaluisse, & fuisse Reipublicae utile ob commoditatem permutationis monetarum, earumque expeditum cursum. Plura tamen ex iisdem novimus necessaria, nempe ut Nummulariorum, sive Collybistarum deputatio fiat ab ipso Principe; hujusmodi ratione, ut cum res sit apud honestos, & probos Viros à Principe designatos, cedat commodum Reipublicae: ut mercedis quantitas praefiniamur publica auctoritate non in qualibet Hebdomada ad rationem currentis Cambii Platearum, (ut contendunt Campsores, qui admittunt utilitatem permutationis pecuniarum), sed perpetuo, & quae exemplo Gratiani, & Theodosii Imperatorum, sit duratura, donec eadem sit intrinseca, & extrinseca monetarum aestimatio: ut denique Collybistae praefinitam mercedem recipiant dumtaxat *ex monetis aureis, & argenteis*.

Pecunia tali pacto omnes florent Ditiones. Quod si nihilominus aliquo in loco deficeret, defectus non, ut alii putant, uni dumtaxat debito passivo, sive inaequalitati inter commercium activum, & passivum tribuendus est. Quae namque ex hoc ipso non in multis Ditionibus monetarum penuria? Attamen certum est.

(a) Leg. 1. ff. de contrahen. empt. lib. 1. Polit. cap. 6.

(b) De regim. Princip. lib. 2. cap. 14.

(c) In verb. Usura 4. qu. 2., & 3.

(d) De Usur. cap. Consuluis in repetit. qu. 24.

(e) In cap. per vestras notat. 6. §. 9. n. 13. de donat. inter Vir., & Uxor.

(f) Par. 2. tit. 1. cap. 7. §. 17.

(g) De Contract. qu. 99.

(h) De Camb. cap. 3.

(i) De Vet. Collat. numism. cap. 7. n. 4.

est, Principatus non paucos monetis abundare, quamvis grandi aere alieno graventur. Monetarum hinc bonitas, quae excedit proportionem legalem, & numerariam, earumque conflatio, fusura, atque conversio in alios usus, extractio denique ad alias Regiones, est illud venenatum Circaeî poculum, ex quo incommoda omnia, & mala proficiunt. Nocet Principatus viribus debitum passivum: nocet inaequalitas commercii; at non ex eo defectus omnino oriri potest monetarum; damnum dumtaxat oritur Debitorum, quod non decet publicae praeferri utilitati.

Malo propterea huiusmodi occurrendum est. Aut igitur ex eo oritur, quod vel unius Ditionis moneta acquisivit penes alias Ditiones majorem valorem numerarium illo, qui est in cursu in ipso Dominio, ubi cusa est, vel ob majorem auri, & argenti bonitatem antecedit monetas aliorum Principum; Aut oritur ex illius fusura, & extractione extra propriam Ditionem. Si primum, aut immutanda est moneta, ut eam habeat aestimationem, quae intrinseco Metallî pretio respondeat, habita ratione sumptuum; Aut, servata proportionem inter auream, argenteam, & aeneam, augeri debet valor extrinsecus. Hac autem ~~facta~~ ~~monetarum~~ peraequatione, & reductione, cessat conflationis, & extractionis causa; cessat, & ipsa monetarum penuria.

Moneta autem vel ex majori apud alios aestimatione, vel ex priori materia cusa ~~assumit~~ naturam mercium. Tunc non Cives solum eam ad commercium, sed Artifices, etiam accomodant ad eorum operas. Priores illam extrahunt, ne ob commercium passivum graventur duriori Cambio. Fabri vero Argentarii, veluti promercales monetae negotiatores effecti, illam quaerunt malis etiam artibus, fundunt ad eorum operis opportunitatem. Praeter enim manupretium, habent ex liquefactis monetis lucrum circiter scutorum quindecim in singula centum. Hinc Principis AErarii damnum: quoniam incudendis novis ejusdem bonitatis monetis ob necessitatem Subditorum, subjicitur novis incommodis partim ex gravi pretio Metallorum, partim ob impensas provisionum, & Officinae monetalis (a). Adaucto vero Monetarum valore, vel novis

(a) Ideo sunt ex Principibus, qui Officinam monetalem locare assolent. Nam rerum magistra experientia compertum est, jus cudendi Nummos per-

raro Principi fuisse damnosum, ubi temperanter fiant impensae, numquam vero ubi exercetur ab Appalatore. Sunt inter Civitates Subditas, quae

cufis, in quibus deficit æquilibrium inter valorem legalem, & platealem, nec illas amplius extrahent promercales Negotiatores, nec Fabri Argentarii illas conſtabunt, cum conſtatio iſtis damnosa, non utilis illis erit extractio.

Optimo propterea confilio inter alios Principes, quum novem Summi Pontifices, damnum non leve obvenire Publico AErario ex Monetarum fufura, & extractione ob earum excedentem intrinsecam æſtimationem, illarum valorem extrinsecum modo auxerunt, modo imperarunt, novae ut cuderentur, quarum valor intrinsecus extrinsecum æquaret. Valorem Juliorum argenti, quem taxavit Julius II. ad rationem quatenorum *trigintanovem*, auxerunt Successores anno primum 1524. ad quatenos *quadragenta*, deinde anno 1591. ad *quingenta*, ut supra probavimus. Rurſus, ut omittamus antiquiores, Clemens XI., ne ſcuta aurea, excedentia intrinsecum valorem, extraherentur ad alias Ditiones, anno 1719., eorum intrinsecum valorem imminuit, atque extrinsecum adamuſſim peræquavit. Denique Clemens XII. aureum nummum vulgo *Zecchino* ex Juliis viginti auxit ad Julios viginti cum dimidio. Et recte quidem. Nam quis non videt, facta monetarum imminutione, atque reformatione, vel neminem omnino futurum, qui conſet monetas, vel pauciſſimos, qui has ad alias Regionem aſportent? Damnum ex conſtatione Artificibus obveniret; nullum Extractoribus compendium. Extractio nihilominus ſiſteret, ad propriam ſtatim Regionem redibunt monetæ opera eorum, qui nec illas conſlare, nec ſine damno in ſua Platea permutare poſſent.

Defectus vero Monetarum ſi promanat ab earum extractione, fraudibus occurrendum eſt eorum, qui ſunt auctores illarum caritatis. Hujusmodi ſunt, qui vel Monetas conſtant, rediguntque in maſſam, vel ad alias Nationes ad inſtar Mercium aſportant. Hujus

fur-

quæ monetæ cudunt ex Privilegio aureas, & argenteas, & quidem non ſine lucro, quod ſecus vale dicerent privilegio, & tamen non eſt præſumendum ad cudendos nummos illas adhibere aurum, & argentum, quod Principis impenſis jam fuit cuſum, & monetatum. Officinam hanc locavit Rever. Cam. Apoſtolica in Comitatu Venæſcen. anno 1322., deinde Avenione, denique Romæ ab anno 1430. ad annum uſque 1724. Tandem ab anno 1725. ad

annum 1738. exercuit proprio nomine cum annuo lucro modo ſc. 2803. 91, modo ſc. 2546. 06., modo ſc. 2692. 11.  $\frac{1}{2}$  ſuper monetis aureis, & argenteis, & ſc. 9. in ſingula centum ſuper aeneis. Utilis etiam fuit officina *prædicta* annis ſequioribus, cum in Appaltum conceſſa eſt, ut ex Inſtrumento Appaltus 10. Februarii 1745. per Aſſeſſ. Caſtellani, nunc Nardi Secretarii Camerae.



furfuris Homines semper Reipublicae fuerunt infesti; ac jugiter propterea Principes in id intenderunt, ne tantum facinus admitteretur. Hinc Imperatores prohibuerunt sub gravissimis poenis, ne quis Nummos conflaret, redigeret in massam, aliò deportaret. Hinc Littorum, Portuum, atque itinerum Custodes constituerunt, ut Naves, & commeantes Negotiatores excuterent, ac scrutarentur, num pecunias vendendi causa transferrent. Hinc denique pecuniae ad itineris impendia modum praefinivere, quo maiorem Negotiatoribus vehere, ac portare non liceret (a), quamvis permitterentur tunc temporis Collybiae.

Eandem ob causam post Romanos Imperatores omnes Principes in sua Ditione leges etiam promulgarunt adversus promercales Monetarum Negotiatores, Fusores, Extractores (b). Reque vera, quid nobis prodesset recta Monetarum aestimatio? quid proportio inter unam, & alteram? quid earum copia, illas si conflarent Artifices ad opus? Si alio amandarent Negotiatores? Si Exteris pecuniam, quae in usu publico solum constituta est, venderent uti merces? Hac de re leges cum adsint, pro illarum observantia, & exequutione invigilandum est, ne ex Monetarum fusura, & extractione illarum in Principatibus succedat penuria (c). Quamvis hanc una Monetarum imminutio arcere possit.

Multa quidem alia sunt, quae pertinent ad materiam Monetarum; Sed haec ideo omittimus, quia non accommodari possunt Dispositioni selectae Legis pro imminutione 2. Cod. de Veteris Numismatis potestate; Nihilominus eorum etiam aliqua ad examen revocabimus, prout tamen ferunt Theses, quas publicae disputationi exponimus, ac defendendas aggredimur.

(a) Leg. 1. Cod. Theodof. si quis pecun. conflav., & leg. 2. Cod. Justinian. de commerc., & mercat.

(b) Etiam Romani Pontifices prohibuerunt semper conflationem, extractionemve monetarum. Constat primum ex Capitulis cum Appaltatore Officinae monetalis Avenionensis, deinde ex Edictis, quae Romae publica saepissime facta sunt contra hujus generis Homines ab anno 1636. ad haec usque tempora. Haec inter principem locum obtinet Edictum cl. m. Card. Annibalis Albani S. R. E. Camerarii sub

Datum 5. Decembris 1746.

(c) Uni observantiae Edictorum tribuitur pecuniae copia, quam Urbis Habitatores experti sunt in Pontificatu Benedicti XIII., quamvis à die 4. Augusti 1724. ad diem 21. Decembris 1729. non alia moneta aurea, & argentea ex Officina monetaria extracta fuerit, nisi tenui quantitas scutorum 126088. 93., uti constat ex Libro extractionum per Acta nunc Fatigati Secretarii Camerae. Sunt etiam, illam qui tribuunt libero cursui omnium monetarum exterarum.